



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Basilea Sacra Sive Episcopatus Et Episcoporum Basileensium Origo Ac Series**

**Sudan, Claudius**

**Brvntrvti, 1658**

36. Ludovicus II. à Gervvart.

**urn:nbn:de:hbz:466:1-11463**

## LUDOVICVS II.

*Anno  
Christi  
1164.*

Dictus à Gervart.

*Basileensis Episcopus.*

XXXVI.

Pseudo-Papa Paschalis, qui per summam vim & iniuriam anno 1164. à Friderico in sedem Alexandri Tertij intrusus erat, Pseudo-Episcopum Basileensem creavit Ludovicū, à Petern, vel à Gervardt dictum. Proinde & Ludovicus inter Schismaticos habitus, atque anathemate percussus. Et quia suo Ludovico pertinaciùs adhæserant Basileenses, sacrorum usu interdicti, infames quoque vixerunt. Anno 1173. Fridericus Imperator post obitum Vlrici ultimi Comitis Lenzburgensis, Canonorum Beronense Collegium multis sumptibus & magnificè erectum ab eiusdem familiæ Comitibus

O

tibus



Anno  
Christi  
1164.

tibus in suam fidem protectionem-  
que suscepit, confirmatis Collegio  
fundis aliisque bonis. In testes ad-  
hibiti Ludovicus Basileensis Episco-  
pus, Matthæus Dux Lotharingæ,  
Berchtoldus Dux Zeringiæ, Rudol-  
phus Comes de Pfullendorff. Ha-  
ctenus Guilliman c. i. ex ipso au-  
thographo Beronensis Collegij,  
idemque postea Basileensem Epif-  
copum accenset Principibus Catho-  
licis, qui anno 1188. Crucis signo  
spectabiles cum Friderico in Orien-  
tem profecti Hierosolymas recupe-  
rare moliebantur.

Anno 1172. mense Februario,  
Seckingæ Fridericus I. præsentē Lu-  
dovico Basileensi, Othone Palatini  
Burgundiæ filio, Matthæo Lotha-  
ringiæ, Berchtoldo Zeringiæ Duci-  
bus, Comitibus, Baronibus, & ma-  
gno Nobilium numero sententiam  
pronuntiavit contra Rudolphum  
Rapper-



Rapperschvvilanum Comitem, li-  
tem adiudicans Rudolpho I l. Eremi <sup>Anno</sup>  
Abbati, prout ferunt Annales Eremi <sup>Christi</sup>  
pag. 215.

Anno 1176. Friderico Imperatore 1176.  
Anagninæ in Italia ab Alexandro III l.  
in gratiam & Ecclesiæ communio-  
nem recepto, pax inter utrumque &  
Siciliæ regem, adnitentibus arbitris,  
ad hoc delectis constituta fuit, con-  
fectis super ea re tabulis prid. Cal.  
August. quas refert Sigon. l. 14. n. 50.  
simulque convenit inter utrumque  
deligere arbitros decem, penès quos  
foret statuere de Episcopis Argenti-  
nensi & Basileensi, quos Guido de  
Crema obtrusus Pontifex Comica  
solum dignitate extulisset. Quam  
ob rem indicto Romæ Concilio ex-  
auctorantur ab Alexandro, anno 1179.  
Bremensis Archiepiscopus, Rudol-  
phus Argentinensis, & Ludovicus  
Basileensis.